



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : LOK SIN TONG LAU TAK PRIMARY SCHOOL

學校名稱 : 樂善堂劉德學校

Name of Play 劇名 : 我的奇幻筆記簿

Script writer 劇作者 : 馮守德老師

Synopsis 故事大綱 :

三年級的高飛與一般孩不同，他喜歡將不同的點子寫進他的筆記簿中。他沒法全神貫注地學習，更成為老師、同學眼中不合作的麻煩人。有一天，他令到老師意外受傷。一位代課老師想了個辦法，讓孩子站起來繞著教室轉圈，最後高飛慢慢能走出矛盾的怪圈，與其他同學融洽相處，但不幸的消息再臨，高飛要轉校，他再一次要面對轉變。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場 奇幻妙思

(輕音樂入，看見台下左角佈置成男孩房間，燈漸亮，從被窩裡射出燈光看見高飛從被中拿出書本，電筒光射向台右一紙板坦克，跟著四至五位演員站出擺出組合的坦克，並向前駛離。電筒光射向另一邊牆上貼上數隻紙牌甲蟲，另外幾位演員站在同一位置，像甲蟲般飛走，此時高飛拿出紙製望遠鏡四圍看，一組紙製恐龍步入，高飛驚恐躲着，另一邊一組紙牌汽車橫越舞台，高飛興奮地從床下拿出大火柴，走向台邊的火箭預備點火發射)

高： 10、9、8、7、6、5、4、3、2……！(此時傳來媽媽叫聲)

媽： 高飛，好夜啦！你再唔瞓，聽朝就有精神返學㗎啦！

高： 知道啦，媽媽，我因為開心到瞓唔着呀嘛！

媽： (入)我知你好期待去新學校學嘢，但係都要瞓覺先至有 **Energy**㗎嘛！(催促高飛上床，高躺在床上)

高： **Energy**，點解啊？

媽： 即係力量咁解！

高： 媽媽知道，早啱啦！(媽媽向高指一指，高明白拿出電筒給媽)

媽： 好啦！早啱！(離場，按下床頭燈，高再度起身拿出筆記簿寫下 **Energy**)

高： **Energy**！呢個係一個好有趣嘅詞彙要寫低落嚟，早啱啦！**Tyrannosaurus**！(燈暗音樂入)

第二場 天氣不似預期

(幕開，看見台左位置布置成課室，數位同學坐在椅上討論着)

承： (承恩)唔知今年邊個做我哋班主任呢？

琪： (琪琪)其實……邊個都……無所謂啦！(害羞)

發： (發仔)最好唔係古板王余老師就得啦！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

柯： 聽講今年有個新插班生嚟！

盈： (思盈) 嘻！唔知新來嘅同學 Funny 唔 Funny 呢？(撥一撥頭髮)

發： 喂！唔出聲嚟嘞！(關步入，望一望大家便座下)

琪： 賴仁發，你唔好咁衰啦！

進： 佢成日唔出聲，問又唔認，老師叫佢出嚟黑板答問題啲字又寫到掉轉晒。

葉： 佢啲字由真係幾核突。

詩： (看見老師從門口入) 殊！大家靜啲啊！老師嚟緊！(余老師入)

余： 各位同學早晨，我係你哋新一年嘅班主任，你哋可以叫我余老師！

眾： 余老師，早晨！(高飛此時衝入)

高： 好彩，啱啱好！(看見一空位，高飛衝向並坐下)

余： 呢位同學？

高： 我叫高飛，係新來嘅轉校生。

余： 高飛同學，我係你哋嘅班主任余老師！

高： 魚老師？(高聲大叫，眾人呆着望向高飛，台上燈暗，台下左邊燈亮，高飛步向台前，其他同學、老師戴上動物帽) 我嘅新班主任叫做魚老師，唔知佢屋企人會唔會係賣魚㗎呢？(此時台左步出一魚販打扮的演員作賣魚，燈暗，離場，另一邊燈亮一同學帶着泳帽扮游水，並且快過一紙牌魚) 佢可能游水會快過條魚！其實余老師個余字，寫少少就變成佢老師，可能仲得意！(燈再亮，所有同學已經帶上帽)

余： 高飛同學，我係余老師，唔係魚老師，唔該你返埋位。(高飛回位) 依家點名，鄭詩詩。

詩： 到！

余： 柯進南！

柯： **Present** ！

余： 賴仁發！

發： 到吖！老師！

余： 許承恩！

承： 到！

余： 李璧琪！

琪： 到！(細聲地)

余： 大聲啲！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- 琪： 到！（大聲了少許）
- 余： 黃思盈！
- 盈： （撥一撥頭髮）到！
- 余： 葉樂晴！
- 葉： 到！
- 余： 關靖！
- 關： 到！（燈光暗少少，余老師繼續講課高飛行出位）
- 高： 呢班就係我啲新同學，但係睇嚟一啲都唔好玩嘅！（坐下並望向另一邊，不斷搖腳，並且打開自己的筆記簿寫東西，余師發現高飛不專心）
- 關： （用聲音提醒高飛）
- 詩： 喂，老師望住你啊！（提醒高飛）
- 余： 高飛！（指向高飛的腳示意停下）坐好！（高飛停下，余老師轉身，高繼續搖動）
- 高： 魚老師，點可以有咁嘅要求架？腳生嚟就係要嚟郁㗎啦！（台燈暗，台下左邊一個小朋友跳躍地走過，另一個小朋友騎着滑板車橫過舞台，高用手指模仿腳不斷走動）
- 小1： 隻腳係要嚟跳。
- 小2： 隻腳係要嚟跑。
- 余： 高飛，上堂要專心啲，唔好再郁啦！
- 高： 唔得呀！
- 余： 咩叫唔得呀？
- 高： 我控制唔到，隻腳自己要郁。（眾人笑）
- 余： 我要你停，麻煩你幫我話比對腳聽！（高飛無奈不動，但看見他雙腳不斷震動，燈暗，課堂鐘聲響起，眾人飛快跑下台，余老師離場，一眾男生在踢波，女生圍在一起說笑）
- 高： （跑入向觀眾）有時候你對腳被迫長時間唔郁，佢就會去做一啲唔應該做嘅事！（發仔不小心將波踢向高飛，高飛一腳踢向場邊打中余老師，老師大叫，走出）
- 余： 邊個踢嘅？（向男生大叫，高飛已經飛快離場，賴仁發係咪你嘞？（眾男生指向高飛那邊，余老師跟着最出，男生跟着趕去，高飛從台上右邊出現並爬上了樹屋坐下，感受着空氣的氣味，高飛看見台另一邊，女生在玩着）
- 高： 鄭詩詩！一個好好嘅名字，值得寫落去筆記簿！（打開簿寫下，此時余老師與人）
- 發： 余老師，頭先係高飛踢你啊，唔關我嘞事！